

403. **Chloraea fimbriata** Ph. Chl. caule bipedali, nudo, vaginato; foliis radicalibus brevibus; spica laxa, sub-12-flora; floribus albis, viridi-reticulatis, sat magnis; bracteis acutissimis, ovarium superantibus; sepalis linearibus 14 lin. longis, trinerviis, superiore peracuto, lateralibus apice obtusis, viridibus, incrassatis, in venis et margine papillatis; petalis 11 lin. longis, subfalcatis acutis, latitudine sepala vix superantibus, basi in venis papillosis; labello reflexo, unguiculato, subrhombico, obsolete trilobo, 10 — 11 lin. longo, 6½ lin. lato, omnino setis falcatis, 2 lin. longis tecto, lobis lateralibus modo nudiusculis; margine anteriore laciniato-fimbriato; apice acuto, inciso-crenato.

In provincia *Valdivia* crescit. — Species sepalis lateralibus apice papillosis et margine anteriore fimbriatis insignis. — An *Chl. barbata*, nimis breviter descripta? an lapsu calami huic *petala* margine et venis papillosa attribuuntur?